



Langrennskomiteen@

Sakshand.: YT/AHE

Dato: 10.09.2015

Arkivk.: lk/møter/protokoll/15-17

PROTOKOLL MØTE NR. 01 I LANGRENNSKOMITEEN, 2015-2017

Stad: Skei, Thon Jølster Hotel
Tidspunkt: Torsdag 10. september 2015, kl. 18.00-21.00

Sakliste

REFERATSAKER

SAK 01 15-17 **Protokoll frå møte nr. 01 15-17 i Skikrinsstyret**

RAPPORTERING

SAK 02 15-17 **Rekneskapsrapport pr. 28.08.2015**

DISKUSJON- OG VEDTAKSAKER

SAK 03 15-17 **Godkjenning av innkalling og sakliste**

SAK 04 15-17 **Godkjenning av protokoll nr. 04 13-15 frå møte i langrennskomiteen**

SAK 05 15-17 **Konstituering av langrennskomiteen 2015-2017**

SAK 06 15-17 **Terminliste 2015-2016**

SAK 07 15-17 **Handlingsplan 2015-2016**

ORIENTERINGSSAKER

SAK 08 15-17 **Programsatsingsmidlar til Langeland Skisenter**

SAK 09 15-17 **Team Veidekke Vest**

SAK 10 15-17 **Nasjonalereenn og meisterskap 2015-2016**

SAK 11 15-17 **Status i markedsarbeidet til langrennskomiteen**

EVENTUELT

SAK 12 15-17 **Jentesamlingar**

- TIL STADES:** Arthur Hegrenes, Torunn Grut, Liv Kr. Eimhjellen Rauset, Åsa Lerum og Yngve Thorsen (adm.)
- FORFALL:** Oddmund Lefdal
- MERKNADER:**
- REFERENT:** Yngve Thorsen
-

REFERATSAKER

- SAK 01 15-17** **Protokoll frå møte nr. 01 15-17 i Skikrinsstyret**
Bakgrunn
Protokoll frå møte nr. 01 15-17 i Skikrinsstyret er vedlagt.

VEDTAK
Teke til orientering.

RAPPORTERING

- SAK 02 15-17** **Rekneskapsrapport pr. 28.08.2015**
Bakgrunn
Rekneskapsrapport pr. 28.08.2015 er vedlagt.
Adm. la presenterte rekneskapsrapporten.

VEDTAK
Teke til orientering.

DISKUSJON- OG VEDTAKSAKER

- SAK 03 15-17** **Godkjenning av innkalling og sakliste**
Bakgrunn
Innkalling og sakliste er utsendt på førehand.

VEDTAK
Langrennskomiteen godkjenner innkalling og sakliste

- SAK 04 15-17** **Godkjenning av protokoll nr. 04 13-15 frå møte i langrennskomiteen**
Bakgrunn
Protokoll frå møte nr. 04 13-15 i langrennskomiteen er vedlagt.

VEDTAK
Langrennskomiteen godkjenner protokoll nr. 04 13-15 frå møte i langrennskomiteen.

SAK 05 15-17

Konstituering av langrennskomiteen 2015-2017

Bakgrunn

- Val av nestleiar til langrennskomiteen
- Val av medlem til anleggskomiteen
- Val av medlem til utd./ utv. komiteen
- Val av medlem til økonomi- og sponsorutvalet

VEDTAK

Langrennskomiteen gjer følgjande vedtak i saka:

- Nestleiar: Oddmund Lefdal
- Medlem til anleggskomiteen: Arthur Hegrenes
- Medlem til utd./ utv. komiteen: Torunn Grut/ Åsa Lerum
- Medlem til økonomi-/ sponsorutvalet: Arthur Hegrenes
- Ungdomsrepresentant: Åsa Lerum

SAK 06 15-17

Terminliste 2015-2016

Bakgrunn

Rammene for terminlista 2015-2016 vart lagt fram i samband med skikrinsen sitt Vår møte.

Deretter vart terminlista sendt til høyring i laga 01. juli, med svarfrist 01. september 2015.

Framlegg til Terminliste Langrenn 2015-2016 finn ein vedlagt.

Pr. 01. september er det komt følgjande innspel til terminlista:

Innspel nr. 1: Førde IL

Hei, etter vår møtet, gjennomgang terminliste.

Ribberennet, frå 26 12 15 til 28 12 15.

02 01 16 Ullsrennet iflg Asgeir kan en ha fortløpande oppdatering på Emit, en forstår dermed ikkje heilt bakgrunn/årsak for at arrangementet ikkje kan avviklast denne helga.

Bør ha ei fristil renn denne helga, mht balanse i terminliste og matching for NC helga etter.

Kalsetrennet, frå 07 02 15 til 28 02 15

En stafett på slutten av sesong, i den grad den som er sett opp (19 03) blir flytta fram til helga som Ullsheim rennet blir avvikla?

Stafett er «populært» blant utøvarane ut frå signal vi har mottatt Evt kunne det ha vore 2 manns-lag, eller miks lag gut/jente, for å ha litt ulike tilbod.

Elles, det årlege rennet på Årdalstangen, er det «tatt av plakaten» i år, eller er det noko som manglar?

Om vi får en god snøsesong så er det vel også fristande å kunne avvikla ett renn i helga 2 og 3/4 - omtalt stafett td?? Arne

Innspel nr. 2: Oppstryn IL

Hei!

Hadde vore positivt viss ein kunne unngå at turrenn i Nordfjord (Tverrfjelldilten, Honndalsrennet) kolliderar med turrenn Sunnmøre (Fjellseter-runden) – slik det gjorde sist sesong!

Gunnar Harstad

Innspel nr. 4: Markane IL

Hei.

Innspel til terminlista.

Markane ynskjer å gjennomføre stafetten same helga som Ullsrennet 9. og 10. januar.

Fint viss du også kan finne ut kven som kan hjelpe til som trenarar på samlinga.

Mvh. Sigbjørn

Innspel nr. 5: Årdalstangen IL

Hei,

Som nevnt på telefon i går:

- 1. ÅTIL ynskjer at Aosarennet blir flytta til 06. mars (eventuelt helga etter). I terminlista er det satt opp 09. april, noko som er ein del seinare en normalt.*
- 2. ÅTIL og Jotun kunne tenkt seg å arrangert eit SSF Cup renn i lag. Forslaget er eit friteknikkrenn på Seimsåsen, for eksempel i februar.*

Jotun / Børre Øvstetun vil prøve å stille på haustmøte i oktober.

Helsing/Regards

Even Gundersen Vee

Innspel nr. 6: Syril IL

Hei!

Eit litt forsenka innspel ang. sonerenn i Sogn, men så er det no også koordinert med Kaupanger (Svein Romstad) og Hafslo (Trond Sekse): vi ønskjer 7/2 i staden for 20/2. Grunnen er at 20. februar er i vinterferien.

Helsing

Eivind Brendehaug

Syril

Tlf: 95191752

VEDTAK

Langrennskomiteen vedtek terminlista slik den føreligg med endringar drøfta i møtet.

Terminlista vert endeleg handsama i samband med langrennskomiteen sitt Haustmøte 27. oktober 2015.

SAK 07 15-17

Handlingsplan 2015-2016

Bakgrunn

Sogn og Fjordane Skikrins arbeider med utgangspunkt i Strategiplanen 2013-2017. Planen vart vedteken i samband med Skikrinstringet på Skei i 2013, og planen er den organiserte skiidretten i Sogn og Fjordane sitt skipolitiske dokument.

Planen er seinare revidert i samband med Skikrinstringet i 2015.

Dette dokumentet dannar grunnlaget for Skikrinsstyret og greinkomiteane sine årlege handlingsplanar.

Summen av dei årlege handlingsplanane i heile strategiperioden skal gje oss størst mogleg grad av måloppnåelse. Dette skal hjelpe oss å til å skape ein endå betre aktivitet i klubb og krins.

Sogn og Fjordane Skikrins sin Strategiplan 2013-2017 finn ein vedlagt, i lag med komiteen sin handlingsplan for perioden 2014-2015.

I møtet gjorde langrennskomiteen opp status i planarbeidet for perioden 2014-2015.

VEDTAK

Langrennskomiteen tek saka til orientering, og gjer vidare vedtak om at leiar og adm. sjef utarbeidar framlegg til handlingsplan for 2015-2016. Nytt framlegg til plan skal vere klar til neste møte i komiteen

ORIENTERINGSSAKER

SAK 08 15-17

Programsatsingsmidlar til Langeland Skisenter

Bakgrunn

Kulturdepartementet har vedteke å tildele Langeland Skisenter 2,2 millionar av departementet sine programsatsingsmidlar til rulleskiløyper. Tildelinga er gjort med bakgrunn i innstilling frå Norges Skiforbund og Sogn og Fjordane Skikrins.

Programsatsingsmidlane vert tildelt med atterhald om at søknad om ordinære spelemidlar gjennom ordninga «Idrettsanlegg i kommunane» vert godkjend. Det vil seie at søknaden vert funnen i formell orden av Sogn og Fjordane fylkeskommune. Programsatsingsmidlane kjem i tillegg til eventuelt tilskot av ordinære spelemidlar. Statleg tilskot kan ikkje utgjere meir enn 50% av godkjende kostnader med rett til tilskot.

Programsatsingsmidlane til departementet kan utbetalast når det ligg føre

ein spelemiddelsøknad i formell orden i fylkeskommunen og byggjearbeida er i gang.

VEDTAK

Teke til orientering.

SAK 09 15-17

Team Veidekke Vest

Bakgrunn

Leiar i langrennskomiteen orienterte om Team Veidekke Vest på følgjande punkt:

- Samlingsopplegg, trenarsituasjonen, smøreopplegg og smørevogn.

VEDTAK

Teke til orientering.

SAK 10 15-17

Nasjonalerenn og meisterskap 2015-2016

Bakgrunn

Oversikt over logistikken i samband med nasjonalerenn- og meisterskap 2015-2016 er vedlagt.

VEDTAK

Langrennskomiteen tek saka til orientering, og gjer vidare vedtak om at Torunn Grut utarbeidar framlegg til retningslinjer om korleis smøreopplegget skal fungere i samband med nasjonalerenn og meisterskap kommande sesong.

Vidare skal det gjennomførast trenarmøte der hovudleiarar og smøreteam vert oppnemnt til dei ulike arrangementa.

SAK 11 15-17

Status i markedsarbeidet til langrennskomiteen

Bakgrunn

Verksemd	Grein	Går ut	Status
ByggTeam AS	Langrenn	2018	Avtalen er reforhandla t.o.m. våren 2018. Økonomisk nivå er same som tidlegare. Ny avtale er signert august 2015.
Sparebanken S. og Fj	Langrenn	2017	Avtalen vart reforhandla og signert vinteren 2015. Avtalen strekker seg t.o.m. 31.12.2017. Økonomisk nivå er same som tidlegare.
SFE	Langrenn	2016	Avtalen er under reforhandling.

VEDTAK
Teke til orientering.

EVENTUELT

SAK 12 15-17

Jentesamlingar

Bakgrunn

Adm. fremmar forslag om at langrennskomiteen skal legge til rette for 1 eller 2 jentesamlingar kommande haust/ vinter.

VEDTAK

Langrennskomiteen gjer vedtak om å organisere jentesamling i Vik hausten 2015. Aktuelt tidspunkt er 17.-18. oktober, evt. 24.-25. oktober 2015.

Vidare ynskjer komiteen å organisere jentesamling på Ullsheim i samarbeid med Markane IL. Aktuelt tidspunkt er 08.-10. januar i samband med Ullsrennet.

Åsa Lerum, Torunn Grut og Liv Kr. E. Rauset følgjer opp tiltaka.

Med venleg helsing
Sogn og Fjordane Skikrins

Arthur Hegrenes (s)
Leiar LK

Yngve Thorsen (s)
Adm. sjef

Vedlegg SAK 01 15-17 Protokoll frå møte nr. 01 15-17 i Skikrinsstyret

Skikrinsstyret@

Sakshand.: YT/IF

Dato: 05.09.2015

Arkivk.: styret/møter/protokoll/15-17

PROTOKOLL MØTE NR. 01 I SKIKRINSSTYRET, 2015-2017
--

Stad Loen, Hotel Alexandra

Tidspunkt: Frammøte, fredag 04. september
 Avslutning, laurdag 05. september

RAMMEPROGRAM, FREDAG 04. SEPTEMBER 2015

Program	Tidspunkt	Saker	Andre opplysningar
Frammøte	Kl. 17.00		
Møte i Skikrinsstyret	Kl. 17.00-19.00	Sak 01-05 /15-17	
Sosialt samvær (basseng/ spa m.m.)	Kl. 19.00		
Middag	Kl. 20.30		

RAMMEPROGRAM, LAURDAG 05. SEPTEMBER 2015

Program	Tidspunkt	Saker	Andre opplysningar
Frukost	Kl. 08.00		
Møte i Skikrinsstyret	Kl. 09.00-12.00	Sak 06-13 / 15-17	
Lunsj	Kl. 12.00		
Heimreise	Kl. 12.30 – 13.00		

Sakliste; sjå neste side.



Sakliste – fredag 04. september 2015

REFERATSAKER

SAK 01 15-17 SFSK AK protokoll nr. 01 15-17

RAPPORTERING

SAK 02 15-17 Rekneskapsrapport pr. 30.08.2015

DISKUSJON- OG VEDTAKSAKER

SAK 03 15-17 Godkjenning av innkalling og sakliste

SAK 04 15-17 Godkjenning av protokoll frå styremøte nr. 10 13-15

TEMASAKER

SAK 05 15-17 Status og utfordringar i Sogn og Fjordane Skikrins

Sakliste – laurdag 05. september 2015

DISKUSJON- OG VEDTAKSAKER

SAK 06 15-17 Revidering av budsjett 2015

SAK 07 15-17 Arbeidsavtale – Even Hole

SAK 08 15-17 Beredskapsplan Sogn og Fjordane Skikrins

SAK 09 15-17 Haustmøtet 2015

SAK 10 15-17 Norges Skiforbund sin Anleggspris 2015

SAK 11 15-17 Møteplan Skikrinsstyret

ORIENTERINGSSAKER

SAK 12 15-17 Markedsarbeid Sogn og Fjordane Skikrins

SAK 13 15-17 Synfaring Ullsheim, 10.08.2015

EVENTUELT

SAK 14 15-17 Programsatsingsmidlar til Langeland Skisenter

- TIL STADES:** Inge Fænn, Finn Årdal, Hallvard Nygård, Atle Hamar (fredag), Lars Kveen, Anders Felde (fredag), Per Lambrechtsh og Yngve Thorsen (adm.)
- FORFALL:** Reidun Hegrenes, Arthur Hegrenes, Gunnar Fannemel, Asle Sande
- MERKNADER:** Lars Kveen (nestleiar i hopp- og kombinertkomiteen) møtte i stadenfor Gunnar Fannemel (leiar i hopp- og kombinertkomiteen). Anders Felde (2. vara) deltok i møtet fredag for Asle Sande (1. vara). Per Lambrechtsh (nestleiar alpinkomiteen) deltok i møtet fredag med talerett, og møtte i stadenfor Atle Hamar (leiar alpinkomiteen) laurdag.
- REFERENT:** Yngve Thorsen

Sakliste – fredag 04. september 2015

REFERATSAKER

- SAK 01 15-17** **SFSK AK protokoll nr. 01 15-17**
Bakgrunn
Protokoll frå møte nr. 01 15-17 i alpinkomiteen er vedlagt.

VEDTAK
Teke til orientering.

RAPPORTERING

- SAK 02 15-17** **Rekneskapsrapport pr. 28.08.2015**
Bakgrunn
Rekneskap pr. 28.08.2015 er sendt ut på førehand.
Adm. presenterte rekneskapen.

VEDTAK
Skikrinsstyret tek framlagt rekneskapsrapport til orientering.

DISKUSJON- OG VEDTAKSAKER

- SAK 03 15-17** **Godkjenning av innkalling og sakliste**
Bakgrunn
Innkalling og sakliste m/ vedlegg er sendt ut på førehand.

VEDTAK
Skikrinsstyret godkjenner innkalling og sakliste

- SAK 04 15-17** **Godkjenning av protokoll frå styremøte nr. 10 13-15**
Bakgrunn
Protokoll frå styremøte nr. 10 13-15 er sendt ut tidlegare for godkjenning.
Protokollen er også lagt ved som eige vedlegg.

VEDTAK
Skikrinsstyret godkjenner protokoll frå styremøte nr. 10 13-15.

TEMASAKER
SAK 05 15-17

Status og utfordringar i Sogn og Fjordane Skikrins

Bakgrunn

Med grunnlag i Sogn og Fjordane Skikrins sin Strategiplan (vedlagt) legg ein opp til ei drøfting i Skikrinsstyret vedr. status og utfordringar knytt til skisporten i fylket.

Konklusjonane med bakgrunn i drøftingane skal danne delar av grunnlaget for utarbeiding av skikrinsen sin handlingsplanar kommande år.

VEDTAK

Med bakgrunn i drøftingar og konklusjonane i saka gjer Skikrinsstyret følgjande vedtak:

- 1) Adm. utarbeidar eit notat til Sogn og Fjordane idrettskrins. Notatet skal m.a. omhandle utfordringane knytt til korleis dei vidaregåande skulane (fylkeskommunen) i større grad må samhandle med idretten, m.o.t. kombinasjon av skulegang og toppidrett.
- 2) Greinkomiteane i Sogn og Fjordane Skikrins skal utvikle Sportsplanar for respektive skigreiner. Sportsplanane skal ta utgangspunkt i Norges Skiforbund sine langsiktige utviklingsplanar, og tilpassast våre lokale- og regionale høve. Eit grovutkast til Sportsplanar skal presenterast i samband med Haustmøte 2015, og skal endeleg handsamast i samband med Vår møtet 2016.
- 3) Sogn og Fjordane Skikrins skal vurdere å iverksetje eit arbeid knytt til klubb- og leiarutvikling. Adm. følgjer opp dette arbeidet i samarbeid med nestleiar i Skikrinsstyret (leiar for utdannings- og utviklingskomiteen).

Sakliste – laurdag 05. september 2015

DISKUSJON- OG VEDTAKSAKER

SAK 06 15-17

Revidering av budsjett 2015

Bakgrunn

Viser til Skikrinsstyret sitt vedtak i:

Sak 123 13-15 – Fordeling av mva. kompensasjon 2015.

Skikrinsstyret sluttar seg til framlegget, og gjer vedtak om at mva. kompensasjonen i 2015 skal budsjetterast og først som inntekt fordelt på arbeidsutvalet/ administrasjon, alpiskomiteen, hopp-/ kombinertkomiteen og langrennskomiteen. Vedtaket innbefattar at fordelinga av tilskotet skjer etter prosentvis fordeling basert på sum driftskostnader for dei ulike avdelingane pr. år.

Jamfør Skikrinsstyret sitt vedtak har administrasjonen revidert budsjettet for 2015.

Med bakgrunn i vedtaket er budsjetteringa av mva. kompensasjonen endra slik:

- Arbeidsutvalet (AU) sine inntekter er redusert til ca. kr. 41 000,- (frå kr. 160 000,-)
- Alpinkomiteen (AK) sine inntekter er auka med ca. kr. 49 000,-
- Langrennskomiteen (LK) sine inntekter er auka med ca. kr. 67 000,-
- Hopp- og kombindertkomiteen sine inntekter er auka med ca. kr. 2 000,-

Bortfallet av inntektene (mva. komp.) i AU sitt budsjett medfører at AU får eit budsjettert underskot på ca. kr. 107 000,- (før ytterlegare revidering).

Vidare har ein i revideringsprosessen styrka budsjettet til AU med kr. 37 500,- i markedsinntekter jf. samarbeidsavtalane knytt til konseptet Skiing Norway. I tillegg har ein redusert diverse kostnader både i styret og administrasjonen sitt budsjett.

Til tross for dette så klarar ein ikkje å balansere AU sitt budsjett jf. vedtak i Skikrinsstyret.

Adm. foreslår difor at ein endrar fordelingsnøkkelen når det gjeld markedsinntekter frå 7,5% til 12%. Dette medfører at markedsinntektene vert fordelt slik for 2015;

- AU; kr. 88 200,-
- LK; kr. 345 720,-
- AK; kr. 321 200,- (inkl. samarbeidsavtale med Sparebanken Vest)
- HKK; kr. 50 000,-

Slik kan AU sitt budsjett balansere, og ein har vidare etablert ei ordning der ein sikrar ei framtidsetta fordeling av inntektsgrunnlaget til Sogn og Fjordane Skikrins.

Med bakgrunn i endringane har respektive greinkomitèar eit udisponert budsjettert resultat for 2015:

- AU; kr. 8 600,-
- LK; kr. 52 170,-
- AK; kr. 48 650,-
- HKK; kr. 5 850,-
- Totalt; kr. 115 270,-

Adm. oppmodar komitèane å drøfte korleis det reviderte resultatet i budsjettet for 2015 skal disponerast.

Revidert budsjett er vedlagt.

VEDTAK

Skikrinsstyret godkjenner revideringa av budsjettet for 2015, og gjer vidare vedtak om at fordelingsnøkkelen av markedsinntektene vert endra frå 7,5% til 12%. Dvs. at AU held igjen 12% av markedsinntektene til eiga drift, medan resterande 88% vert ført over til greinkomitèane (jf. respektive samarbeidsavtalar)

SAK 07 15-17

Arbeidsavtale – Even Hole

Bakgrunn

Med bakgrunn i den nye samarbeidsavtalen med Sparebanken Vest har alpinksjefen gjort vedtak (Sak 05 15-17) om at Even Hole skal tilsettas som krinstrener sesongane 2015-2016, 2016-2017 og 2017-2018.

Stillingsprosenten til Hole vert 40%, og med bakgrunn i finansiering av stillinga er lønna fastsett til kr. 240 000,- pr. år (feriepengar og arb. gj. avgift kjem i tillegg).

Hole sitt virke som krinslagstrener vil vere knytt til utvikling av klubbmiljø, utvikling av lokale trenarar, ansvarleg for komiteen sine barmarksamlingar, hovudleiar på Hovudlandsrenn etc. Hovudoppgåvene er spesifisert i vedlagde arbeidsavtale m/ vedlegg.

Rammene for Even Hole sin arbeidsavtale skal formelt godkjennast av Skikrinsstyret.

Framlegg til arbeidsavtale m/ vedlegg er utsendt på førehand.

VEDTAK

Skikrinsstyret godkjenner rammene for Even Hole sin arbeidsavtale, og gjer vedtak om at Hole skal tilsettas i Sogn og Fjordane Skikrins i 40% stilling som krinstrener i alpint.

Under føresetnad av at dei økonomiske rammevilkåra er i høve til budsjett, får leiar i alpinksjefen og adm. sjef fullmakt til å inngå arbeidsavtale m/ Even Hole f.o.m. 15.09.2015.

SAK 08 15-17

Beredskapsplan Sogn og Fjordane Skikrins

Bakgrunn

I samråd med styreleiar har adm. sjef utarbeida eit framlegg til Beredskapsplan for Sogn og Fjordane Skikrins.

Beredskapsplanen er utarbeida med grunnlag i tidlegare drøftingar i Skikrinsstyret, og skal vere eit dokument som beskriv kva som må gjerast i ein krisesituasjon.

Planen skal omfatte heile organisasjonen, og sikre at ein er godt førebudd på handsaming av ulike typar krisesituasjonar.

Framlegg til Beredskapsplan finn ein vedlagt.

VEDTAK

Skikrinsstyret godkjenner framlegg til Beredskapsplan.

Vidare skal administrasjonen syte for at Beredskapsplanen vert forankra i organisasjonen, m.a. gjennom eiga orientering om planen i samband med Haustmøtet.

SAK 09 15-17

Haustmøtet 2015

Bakgrunn

I høve til Sogn og Fjordane Skikrins si lov fastset Skikrinsstyret tid og stad for gjennomføring av Haustmøtet.

Skikrinsstyret fastset også program for fellesdelen.

VEDTAK

Skikrinsstyret fastset Haustmøtet til tysdag 27. oktober 2015. Møtet vert avvikla på Skei, Skei Hotell.

Aktuell foredragshaldar på fellesdelen kan vere Arvid Andenæs og Aleksander Støckl.

SAK 10 15-17

Norges Skiforbund sin Anleggspris 2015

Bakgrunn

Også i år skal Norges Skiforbund tildele ein anleggspris. Prisen vert delt ut på arrangør- og anleggsseminaret 16.-18. oktober 2015.

Skikrinsane er oppmoda å innstille ein kandidat.

Kriterie;

- at anlegget har gode løysningar for heilårsbruk
- at det er lagt til rette for god variasjon av aktivitetar
- at utforming gjer det attraktivt både for breidde- og toppsegmentet
- at det er gode løysingar for å sikre snø

Skiforbundet ber om innspel på kandidatar innan 01. oktober 2015.

Anlegga som vert innstilt kan vere arenaer som har vore gjennom utbygging/renovering eller arenaer som er nyetablerte.

VEDTAK

Skikrinsstyret innstiller Hornindal Skisenter til Norges Skiforbund sin Anleggspris 2015.

SAK 11 15-17

Møteplan Skikrinsstyret

Bakgrunn

Skikrinsstyret skal fastsette møteplan for hausten 2015.

Elles er Skikrinsen invitert til fagmøte/ dialogmøte med Sogn og Fjordane idrettskrins på Skei 16.09.2015, kl. 18.00-20.30.

Her følgjer invitasjon til møtet;

Fagmøta skal gi høve til gjensidig utveksling av erfaringar, innspel til utviklingstiltak og søking etter kunnskap som kan styrke idrettstilboda.

Eitt dagsaktuelt fagpolitisk tema er oppfølging av nytt Idrettspolitisk dokument, IPD 2015-2019. Dette gir føringar for alle ledd t.d. for innretninga av tilboda for barn og ungdom i det daglege idrettsarbeidet. Elles set vi fokus på vidare prosess med fellesprosjektet «Framtidas i idrett i Sogn og Fj.» og særiddrettane sine behov for kunnskap/spisskompetanse på felles- og tverridrettslege fagområde.

Vi har sett følgjande på dagsorden:

1. Viktige idrettspolitiske føringar frå IPD 2015-2019 med m.a. følgjande utfordringar:
Korleis må vi innrette organisering og aktivitet for å sikre at:
 - ✓ barn og ungdom får høve til å delta i fleire idrettar
 - ✓ idrettslaga har eit tilpassa sesong- og konkurransetilbod med aktive sine interesser i sentrum
 - ✓ vi avgrensar kostnadsdrivande sider ved deltaking i idrettstilbodaInnleiing og diskusjon
2. Kunnskaps- og utviklingsstøtte gjennom prosjektet « Framtidas idrett i Sogn og Fj.», sjå vedlegg.
Særiddrettane sine behov. Prosess/diskusjon på aktivitetsmål.
3. Aktuelle andre tema frå idrettskrinsen og innspel frå særkrinsane/regionane på sider de ønskjer å ta opp felles.

Vi ser fram til ei ny god fagøkt på Skei 16.9. og treng ei tilbakemelding til oss på kven som kjem frå din organisasjon

med frist på torsdag 10 . september.

VEDTAK

Skikrinsstyret fastset ikkje tidspunkt for styremøtet hausten 2015, men ein legg opp til ett styremøte før Haustmøtet, i tillegg til ett møte i desember.

Vidare deltek Finn Årdal på vegne av Sogn og Fjordane Skikrins på møtet med idrettskrinsen 16. september 2015.

ORIENTERINGSSAKER

SAK 12 15-17

Markedsarbeid Sogn og Fjordane Skikrins

Bakgrunn

Mange av skikrinsen sine samarbeidsavtalar har vore til reforhandling siste året. Her følgjer ein status i markedsarbeidet til skikrinsen p.t.

Verksemd	Grein	Går ut	Status
Fylkeskommunen	AU/Ski i Skulen	2015	Avtalen er reforhandla t.o.m. 2016. Økonomisk nivå er same som tidlegare. Ny avtale er signert i august 2015.
Skei Hotell	AU	2015	Avtalen er reforhandla for sesongen 2015-2016. Ny avtale er signert i august.
Skiing Norway, Hotel Alexandra	AU	2017	
Skiing Norway, Skogstad Sport AS	AU	2018	
Skogstad Sport AS	AU		Avtalen er under forhandling, men er p.t. ikkje signert.
ByggTeam AS	Langrenn	2015	Avtalen er reforhandla t.o.m. våren 2018. Økonomisk nivå er same som tidlegare. Ny avtale er signert august 2015.
Sparebanken S. og Fj	Langrenn	2015	Avtalen vart reforhandla og signert vinteren 2015. Avtalen strekker seg t.o.m. 31.12.2017. Økonomisk nivå er same som tidlegare.
COOP Vest SA	Alpint	2016	
Fjord1	Alpint	2015	Avtalen er under forhandling. Nytt møte med Fjord1 er avtala 07.09. 2015.

Verksemd	Grein	Går ut	Status
Frydenbø AS	Alpint	2017	Avtalen vart reforhandla og signert våren 2015. Avtalen strekker seg t.o.m. våren 2017. Økonomisk nivå er same som tidlegare.
Sparebanken Vest	Alpint	2018	Avtalen er omlag ferdig forhandla, men den er førebels ikkje signert.
SFE	Hopp/ langrenn	2016	Evt. ny avtale er under reforhandling.
Toyota	AU		Uformell avtale
AVIS	Alpint		Uformell avtale

VEDTAK

Skikrinsstyret tek saka til orientering.

SAK 13 15-17

Synfaring Ullsheim, 10.08.2015

Bakgrunn

Markane IL vurderar å søkje om NM del 1 eller del 2 med Ullsheim som arena. Som eit ledd i dette har Norges Skiforbund saman med Sogn og Fjordane Skikrins og Stryn kommune gjennomført synfaring av løyper, stadion, øvrige fasilitetar og infrastruktur. Med tanke på å innrette hovudbasen for overnatting, møter og øvrige sidearrangement til Hotel Alexandra i Loen, var møte med hoteleleiinga og synfaring av hotellet også ein del av besøket.

Det primære føremålet med synfaringa var å vurdere sjølve løypenettet og stadionområdet, og påvise eventuelle utbedringsbehov. Vidare var det også naudsynt å drøfte snøsituasjonen og korleis ein kan førebu seg for å unngå avlysing eller flytting av arrangementet.

Basert på førebelse tilbakemeldingar frå synfaringa om kva høvesvis NM del 1 og 2 vil innebere av justeringar og tilrettelegging, rådar skiforbundet styret i laget å meisle ut ein arrangementstrategi dei kommande åra. I dette ligg det naturleg ein arrangementserie med opptrapping og testing av ulike kapasitetsbehov fram mot eit evt. NM. I dette er m.a. ein god stab av frivillige ein føresetnad. Gjennom t.d. å danne ein arrangørallianse med relevante naboklubbar vil ein i større grad løfte i flokk, og vere budd til å levere på den strategien som vert lagt.

Dersom Markane IL ynskjer å arbeide vidare med mål om NM-arrangement vil skiforbundet bistå med fleire synfaringar, og elles med innspel i prosessen.

Konklusjon:

Hovudlinjene i konklusjonen er at Ullsheim har eit godt potensiale for å kunne avvikle eit vellukka NM. Løypenetet treng nokre utvidingar, men i overkommeleg grad. Stadionområde krev kun mindre justeringar.

Utfordringane m.o.t. snø let seg løyse, men kapasiteten på utstyr og vatn bør utvidast noko. Dette for å kunne produsere snø til sesongen ein er inne i, samt til lagring for neste sesong.

Det mest kritiske slik området framstår i dag er parkering og oppstillingsplass for større køyretøy i umiddelbar nærleik til stadion. Dette blir ei av hovudutfordringane som må løysast.

VEDTAK

Skikrinsstyret tek saka til orientering.

**EVENTUELT
SAK 14 15-17**

Programsatsingsmidlar til Langeland Skisenter

Bakgrunn

Kulturdepartementet har vedteke å tildele Langeland Skisenter 2,2 millionar av departementet sine programsatsingsmidlar til rulleskiløyper. Tildelinga er gjort med bakgrunn i innstilling frå Norges Skiforbund og Sogn og Fjordane Skikrins.

Programsatsingsmidlane vert tildelt med atterhald om at søknad om ordinære spelemidlar gjennom ordninga «Idrettsanlegg i kommunane» vert godkjend. Det vil seie at søknaden vert funnen i formell orden av Sogn og Fjordane fylkeskommune. Programsatsingsmidlane kjem i tillegg til eventuelt tilskot av ordinære spelemidlar. Statleg tilskot kan ikkje utgjere meir enn 50% av godkjende kostnader med rett til tilskot.

Programsatsingsmidlane til departementet kan utbetalast når det ligg føre ein spelemiddelsøknad i formell orden i fylkeskommunen og byggjearbeida er i gang.

VEDTAK

Skikrinsstyret tek saka til orientering.

Med venleg helsing
Sogn og Fjordane Skikrins

Inge Fænn (s)
Leiar

Yngve Thorsen (s)
Adm. sjef

Vedlegg SAK 04 15-17	Godkjenning av protokoll nr. 04 13-15 frå møte i langrennskomiteen
-----------------------------	---

Langrennskomiteen@

Sakshand.: YT/AHE

Dato: 04.05.2015

Arkivk.: lk/møter/protokoll/13-15

PROTOKOLL MØTE NR. 04 I LANGRENNSKOMITEEN, 2013-2015

Stad: Skei, Thon Jølster Hotel
Tidspunkt: Torsdag 30. april 2015, kl. 18.00-21.00

Sakliste

REFERATSAKER

SAK 32 13-15 SFSK LK – referat frå Haustmøtet 2014
SAK 33 13-15 Referat frå Trenarmøte 14. april 2015

RAPPORTERING

SAK 34 13-15 Rekneskap 2014
SAK 35 13-15 Rekneskapsrapport pr. 14.04.2015

DISKUSJON- OG VEDTAKSAKER

SAK 36 13-15 Godkjenning av innkalling og sakliste
SAK 37 13-15 Godkjenning av protokoll frå møte i langrennskomiteen 04.09.14
SAK 38 13-15 Team Veidekke Vest
SAK 39 13-15 Generell oppsummering av sesongen 2014-2015
SAK 40 13-15 Rammer for kringlagsaktiviteten 2015-2016
SAK 41 13-15 Terminlisteprosessen 2015-2016
SAK 42 13-15 Handlingsplan 2014-2015
SAK 43 13-15 Vårmøte 2015
SAK 44 13-15 Kandidatar til Bragdpokal, Talentpokal og Magnorpokal

ORIENTERINGSSAKER

SAK 45 13-15 Evalueringsmøte – krinslaga i langrenn
SAK 46 13-15 Status markedsarbeid

EVENTUELT

Med venleg helsing
Sogn og Fjordane Skikrins

Arthur Hegrenes (s)
Leiar LK

Yngve Thorsen (s)
Adm. sjef

TIL STADES: Arthur Hegrenes, Oddmund Lefdal, Torunn Grut, Jo Inge Skålbones, Eivind Skaar og Yngve Thorsen (adm.)

FORFALL:

MERKNADER:

REFERENT: Yngve Thorsen

REFERATSAKER

SAK 32 13-15

SFSK LK – referat frå Haustmøtet 2014

Bakgrunn

Referat frå langrennskomiteen sitt Haustmøte 29. oktober 2014 er vedlagt.

VEDTAK

Teke til orientering

SAK 33 13-15

Referat frå Trenarmøte 14. april 2015

Bakgrunn

Referat frå Trenarmøte 14. april 2015 er vedlagt.

VEDTAK

Teke til orientering.

RAPPORTERING

SAK 34 13-15

Rekneskap 2014

Bakgrunn

Rekneskap 2014 var utsendt på førehand.

Adm. presenterte rekneskapen.

Nøkkeltal langrennskomiteen 2014:

- driftsinntekter; kr 1 386 533,-
- driftskostnader; kr 1 395 412,-
- resultat; - kr. 8 879,-

Negativt resultat vert dekket av langrennskomiteen sin eigenkapital.

VEDTAK

Langrennskomiteen godkjenner rekneskapen for 2014.

SAK 35 13-15

Rekneskapsrapport pr. 14.04.2015

Bakgrunn

Rekneskapsrapport pr. 14.04.2015 var utsendt på førehand.

Adm. presenterte rekneskapen.

VEDTAK

Teke til orientering.

DISKUSJON- OG VEDTAKSAKER

SAK 36 13-15 Godkjenning av innkalling og sakliste

Bakgrunn

Innkalling og sakliste m/ vedlegg er sendt ut på førehand.

VEDTAK

Langrennskomiteen godkjenner innkalling og sakliste

SAK 37 13-15 Godkjenning av protokoll frå møte i langrennskomiteen 04.09.14

Bakgrunn

Protokoll frå møte i langrennskomiteen er vedlagt.

VEDTAK

Langrennskomiteen godkjenner protokoll frå møte i langrennskomiteen 04.09.2014

SAK 38 13-15 Team Veidekke Vest

Bakgrunn

Leiar i LK orienterte om Team Veidekke Vest på følgjande punkt:

- framdrift
- økonomi, marked
- trenarsituasjonen
- uttak av utøvarar

VEDTAK

Langrennskomiteen tek saka til orientering.

SAK 39 13-15 Generell oppsummering av sesongen 2014-2015

Bakgrunn

Komiteen oppsummerte sesongen på følgjande område:

- gode snøtilhøve
- arrangementavvikling
- renndeltaking
- breidde/ rekruttering
- sportsleg nivå
- renntilbod senior

VEDTAK

Langrennskomiteen tek saka til orientering.

SAK 40 13-15 Rammer for kringlagsaktiviteten 2015-2016

Bakgrunn

Framlegg til samlingsplan var utsendt på førehand.

Stad	Dato	Satsingsgr.	Krinslag	Impuls
Sognefjellet/Skjolden	28.-31. mai	4	4	
Førde (inkl. Impulslaget)	26.-28. juni	3	3	3
Førde (Satsingsgruppa)	28.-01. juli	3		
Sognefjellet (Satsingsgruppa)	14.-19. juli	6		
Markane	06.-09. august	4	4	
Jølster (Vassenden) (inkl. impulslaget)	03.-06. september	4	4	3
Mallorca (Satsingsgruppa)	04.-10. oktober	7		
Førde	08.-11. oktober		4	
Beitostølen (inkl. Impulslaget)	04.-08. november	5	5	3
Gåå (BUL-sprinten) (Satsingsgruppa)	26. nov.-01. des.	6		

Med bakgrunn i Trenarmøte 14. april foreslår ein at det ikkje skal vere uttak til satsingsgruppa, men i staden skal det setjast ei nedre aldersgrense for deltaking på laget. Den nedre aldersgrensa for laget kan i så fall vere eldre junior.

Stipulert tal utøvarar på krinslaga i 2015-2016:

- Satsingsgruppa; 13 stk .
- Krinslaget; 19 stk.
- Impulslaget; 12 stk.

VEDTAK

Langrennskomiteen tek samlingsplanen til orientering, og gjer vidare vedtak om at satsingsgruppa skal vidareførast med uttak og gitte kriteriar jf. tidlegare sesongar. Kriteriane for uttak skal vere klare til evalueringsmøtet 05. mai 2015.

Førøvrig skal trenarane skal vere suverne m.o.t. laguttak, og det skal vere maksimalt 10 utøvarar på laget.

Elles skal Thomas S. Evjestad og Simen Bekken følgjast opp som aktuelle trenarar på krinslaga (ynskje om avklaring før evalueringsmøtet 05. mai 2015)

SAK 41 13-15

Terminlisteprosessen 2015-2016

Bakgrunn

Rammene for langrennskomiteen si terminliste 2015-2016 skal leggst fram for Vårmetet 05. juni, før den vert sendt til høyring i laga. Endeleg handsaming av terminlista skjer i samband med langrennskomiteen sitt Haustmøte.

VEDTAK

Oddmund Lefdal utarbeidar rammer for terminliste 2015-2016. Rammene skal presenterast i samband med Vårmetet 2015, og deretter sendast til høyring i laga.

Ein legg m.a. til grunn følgjande kriterie for utarbeiding av Terminliste 2015-2016.

- SSF Cup Finale skal gjennomførast i Nordfjord
- KM-helga skal avviklast i Førde IL
- Min. ett arrangement i duathlon
- Tal arrangørar av krinsrenn skal oppretthaldast
- Vurdere om SSFkarusellen skal vidareførast etter same modell som tidlegare.
- Oppmode laga å bli einige om aktuelle sonerenn i respektive fogderi. (i høyringsprosessen)

SAK 42 13-15

Handlingsplan 2014-2015

Bakgrunn

Handlingsplan 2014-2015 er vedlagt.

VEDTAK

Langrennskomiteen utset saka til neste møte.

SAK 43 13-15

Vårmøte 2015

Bakgrunn

Skikrinsstyret har fastsett at Vårmøte og Skikrinstinget skal avviklast slik:

- Vårmøte 2015, fredag 05. juni (Thon Skei Hotell)
- Skikrinstinget 2015, laurdag 06. juni (Thon Skei Hotell)

VEDTAK

Langrennskomiteen gjer vedtak om følgjande sakliste i samband med Vårmøtet:

- Oppsummering sesongen 2014-2015 v/ Arthur Hegrenes
 - o utvikling deltaking på turrenn
 - o utvikling sonerenn
 - o sportslege resultat
 - o avvikling av krinsrenn
- Demo – EMIT v/ Oddmund Lefdal (Asgeir Tveit)
- Terminliste 2015-2016 v/ Oddmund Lefdal
 - o Sonevis prosess (gruppearbeid)
- Jentesamlingar v/ Margunn Hjelmeset
- Presentasjon av aktiviteten i Eid IL v/ Reidar Hunvik
- Krinslagsaktiviteten v/ Asgeir Årdal
- Økonomi/ marked v/ Yngve Thorsen

SAK 44 13-15

Kandidatar til Bragdpokal, Talentpokal og Magnorpokal

Bakgrunn

Skikrinsstyret innstiller kandidatar til Bragdpokal, Talentpokal og Magnorpokal.

Statuttar Bragdpokal

Kan delast ut til den skiidrettsutøvar innan skikrinsen som, ut frå sine føresetnader, har levert den beste prestasjonen i sesongen.

Statuttar Talentpokal

Kan delast ut til den jente og eller gut i kvar skigrein som har utmerka seg ved spesiell talentfull innsats

Statuttar Magnorpokal (delast ut 2 kvart år, tot. 4 stykkjer)

Utøvarane bør vere i alderen 12-16 år.

Skikrinsstyret har i møte 21. april fatta følgjande vedtak:

Skikrinsstyret gjer følgjande vedtak i saka:

Bragdpokal skal delast ut til:

- *Anders Fannemel (Hornindal IL, hopp)*
 - o *Verdsrekord i skiflyging, 251,5 m*
 - o *Verdsmeister i laghopp 2015*
- *Åge Solheim (Haugen IL, alpint)*
 - o *Junior NM gull i Super G 2014*
 - o *NM slalom 2015, nr. 6*

Skikrinsstyret kjem med framlegg om at Talentpokal skal delast ut til:

- *Andrine Mårstøl (Haugen IL, alpint)*
- *Emma Åsebø (Haugen IL, alpint)*
- *Andreas Strand (Jølster IL, alpint)*
- *Johannes Betten (Førde IL, alpint)*
- *Jon Rolf S. Hope (Hyen IL, langrenn)*

Skikrinsstyret kjem med framlegg om at Magnorpokal skal delast ut til:

- *Daniel Hagen (IL Veten, alpint)*
- *Eskil Kveen (Markane IL/ IL Veten, hopp/kombinert)*
- *Inga Kårstad Skaar (Førde IL, langrenn)*
- *Andreas Hetle (BBIL, langrenn)*

Når det gjeld framlegga vedr. utdeling av Talent- og Magnorpokal skal desse godkjennast hjå respektive greinkomitèar.

VEDTAK

Langrennskomiteen godkjenner skikrinsstyret si innstilling.

ORIENTERINGSSAKER

SAK 45 13-15

Evalueringssmøte – krinslaga i langrenn

Bakgrunn

I samband med Trenarmøtet 14. april har ein fastsett Evalueringssmøte for krinslaga i langrenn til 05. mai 2015. Møtet vert gjennomført på Skei, Thon Jølster Hotel.

Rammeprogram

- Informasjon om Team Veidekke Vest v/ Arthur og Yngve
- Evaluering av sesongen 2014-2015 v/ Asgeir og Ingrid

- Målsetjing og filosofi om krinslaga v/ Arthur og Yngve
- Sportsleg opplegg sesongen 2015-2016 v/ Asgeir og Ingrid
- Gruppearbeid - evaluering v/ Yngve
- Avslutning, oppsummering

VEDTAK

Langrennskomiteen tek saka til orientering.

SAK 46 13-15

Status markedsarbeid

Bakgrunn

- **Sparebanken Sogn og Fjordane** (signert)
 - o 3-årig avtale (2015/2016, 2016/2017, 2017/2018)
 - o Same økonomiske nivå som tidlegare
 - o Bransjeeksklusivitet for langrenn
- **ByggTeam AS**
Reforhandling av samarbeidsavtalen med ByggTeam AS vert starta våren 2015.
- **Skogstad Sport AS** (avtalen er ikkje signert)
 - o 2-årig avtale
 - o Leveranse av ytterbekledning (div. klede kostnadsfritt, i tillegg til ytterjakker til kostpris)
 - o Skiing Norway – medlem (verdi kr. 25 000,-)

VEDTAK

Langrennskomiteen tek saka til orientering.

EVENTUELT

Med venleg helsing
Sogn og Fjordane Skikrins

Arthur Hegrenes (s)
Leiar LK

Yngve Thorsen (s)
Adm. Sjef